

Спорт түрлері бойынша республикалық қоғамдық бірлестіктерді аккредиттеу қағидасын бекіту туралы

Күшін жойған

Қазақстан Республикасы Үкіметінің 2003 жылғы 22 желтоқсандағы N 1288 қаулысы. Күші жойылды - Қазақстан Республикасы Үкіметінің 2015 жылғы 15 сәуірдегі № 238 қаулысымен

Ескерту. Күші жойылды - ҚР Үкіметінің 15.04.2015 № 238 қаулысымен.

Ескерту. Тақырыбы жаңа редакцияда - ҚР Үкіметінің 2011.08.04 № 914 (алғаш ресми жарияланғанынан кейін күнтізбелік он күн өткен соң қолданысқа енгізіледі) Қаулысымен.

"Дене шынықтыру және спорт туралы" Қазақстан Республикасының 1999 жылғы 2 желтоқсандағы Заңына сәйкес Қазақстан Республикасының Үкіметі қаулы етеді:

1. Қоса беріліп отырған Спорт түрлері бойынша республикалық қоғамдық бірлестіктерді аккредиттеу қағидасы бекітілсін.

Ескерту. 1-тармақ жаңа редакцияда - ҚР Үкіметінің 2011.08.04 № 914 (алғаш ресми жарияланғанынан кейін күнтізбелік он күн өткен соң қолданысқа енгізіледі) Қаулысымен.

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Қазақстан Республикасы

Үкіметінің

2003 жылғы 22 желтоқсандағы

N 1288 қаулысымен

бекітілген

Спорт түрлері бойынша республикалық қоғамдық бірлестіктерді аккредиттеу қағидасы

Ескерту. Ереже жаңа редакцияда - ҚР Үкіметінің 2011.08.04 № 914 (алғаш ресми жарияланғанынан кейін күнтізбелік он күн өткен соң қолданысқа енгізіледі) Қаулысымен.

1. Жалпы ережелер

1. Осы Спорт түрлері бойынша республикалық қоғамдық бірлестіктерді аккредиттеу қағидасы (бұдан әрі - Қағида) «Дене шынықтыру және спорт туралы» Қазақстан Республикасының 1999 жылғы 2 желтоқсандағы Заңына сәйкес әзірленді және спорт түрлері бойынша республикалық қоғамдық бірлестіктерді аккредиттеуден өткізу:

аккредиттеуді өткізу үшін құжаттарды беру, оларды қарау және дене шынықтыру және спорт жөніндегі уәкілетті органның (бұдан әрі - уәкілетті орган) аккредиттеу туралы куәлікті беру тәртібін айқындайды.

2. Спорт түрлері бойынша республикалық қоғамдық бірлестіктер (бұдан әрі - бірлестік) Қазақстан Республикасының атынан тиісті халықаралық ұйымдарда қатысушы болу құқықтарын таныту мақсатында аккредиттеуден өтеді.

3. Бірлестіктерді аккредиттеуді уәкілетті орган жүзеге асырады.

4. Аккредиттеуді тиімді жүзеге асыру мақсатында уәкілетті органның жанынан Аккредиттеу жөніндегі комиссия (бұдан әрі - Комиссия) құрылады.

Комиссияның құрамына уәкілетті органның мамандары және дене-шынықтыру-спорт ұйымдарының өкілдері кіреді. Комиссияның құрамы уәкілетті органның бірінші басшысының немесе оның міндеттерін атқарушы адамның бұйрығымен бекітіледі.

2. Аккредиттеуді жүргізу тәртібі

5. Бірлестік аккредиттеу туралы куәлік (бұдан әрі - куәлік) алу үшін мынадай құжаттарды ұсынады:

1) осы қаулыға 2-қосымшаға сәйкес белгіленген нысан бойынша өтініш;

2) бірлестікті Қазақстан Республикасында заңды тұлға ретінде мемлекеттік тіркеу (қайта тіркеу) туралы анықтама немесе бірлестікті Қазақстан Республикасында заңды тұлға ретінде мемлекеттік (есептік) тіркеу (қайта тіркеу) туралы куәлік;

3) бірлестік филиалдарын Қазақстан Республикасы облыстарының жартысынан көбінің аумағында құрылымдық бөлімшелері бар заңды тұлға ретінде мемлекеттік тіркеу (қайта тіркеу) туралы анықтама немесе бірлестік филиалдарын Қазақстан Республикасы облыстарының жартысынан көбінің аумағында құрылымдық бөлімшелері бар заңды тұлға ретінде мемлекеттік (есептік) тіркеу (қайта тіркеу) туралы куәлік;

4) бірлестіктің спорт түрлері бойынша бағдарламаларды іске асыруға қатысуы туралы ақпарат;

5) дене шынықтыру және спорт саласындағы мамандық бойынша кәсіптік жоғары немесе кәсіптік орта білімі бар білікті кадрлар дипломдарының көшірмелері;

6) спорттық секциялар, клубтар, топтар, сондай-ақ оларда аталған спорт түрімен шұғылданатындардың саны туралы ақпараттық анықтама.

Ескерту. 5-тармақ жаңа редакцияда - ҚР Үкіметінің 19.02.2014 N 118 қаулысымен (алғаш ресми жарияланғанынан кейін күнтізбелік он күн өткен соң қолданысқа енгізіледі).

6. Уәкілетті органның құжаттарды қарау, куәлік беру немесе бас тарту туралы шешім қабылдау мерзімі өтініш берілген сәттен бастап күнтізбелік он бес күннен аспайды.

Ескерту. 6-тармақ жаңа редакцияда - ҚР Үкіметінің 19.02.2014 N 118 қаулысымен (алғаш ресми жарияланғанынан кейін күнтізбелік он күн өткен соң қолданысқа енгізіледі).

7. Бірлестік ұсынған құжаттарды қарау оның Ережесіне сәйкес Комиссияның отырысында жүзеге асырылады.

8. Комиссия бірлестіктің құжаттарын зерделеу қорытындылары бойынша уәкілетті орган аккредиттеу (немесе аккредиттеуден бас тарту) туралы және куәлік беру (беруден бас тарту) туралы шешім қабылдайды.

9. Аккредиттеуден өткен бірлестікке уәкілетті орган бекіткен нысан бойынша 4 жыл мерзімге тиісті куәлік беріледі.

10. Мынадай жағдайларда куәлік беруден бас тартылады:

1) осы Қағиданың 5-тармағына сәйкес талап етілетін барлық құжаттар ұсынылмаса;

2) куәлік алу үшін бірлестік ұсынған құжаттарда жалған немесе бұрмаланған ақпарат бар болса.

3. Куәліктің қолданылуын тоқтата тұру және тоқтату

11. Уәкілетті орган өзінің бұйрығымен куәліктің қолданылуын аккредиттеу алу үшін ұсынылған құжаттарда жалған немесе бұрмаланған деректер анықталған сәттен бастап бес жұмыс күні ішінде тоқтата тұрады.

12. Алты ай ішінде бірлестік уәкілетті орган анықтаған бұзушылықтарды жояды. Аталған мерзім куәліктің қолданылуын тоқтата тұру туралы шешімде айтылады.

13. Куәліктің қолданылуын тоқтата тұруға әкеп соққан бұзушылықтар уақтылы жойылған кезде, оның қолданылуы Комиссияның ұсынымы негізінде уәкілетті орган бұйрыққа қол қойылған күннен бастап қайтадан бастайды.

14. Уәкілетті орган куәліктің қолданылуын тоқтату туралы бұйрықты бес жұмыс күні ішінде мынадай жағдайларда шығарады:

1) заңды тұлға қайта ұйымдастырылғанда немесе таратылғанда;

2) куәліктің қолданылуы тоқтатылған осы Қағиданың 12-тармағына сәйкес

себептер

жойылмағанда;

3) бірлестік куәліктің қолданылуын тоқтату туралы өтініш бергенде;

4) оның қолданылу мерзімі аяқталғанда;

5) бірлестіктің күнтізбелік жыл ішінде республикалық (чемпионаттар, біріншіліктер, Республика кубоктары) және халықаралық (Олимпиада, Азия ойындары, чемпионаттар, біріншіліктер, Әлем, Азия, Еуропа кубоктары) жарыстарға қатыспауы;

6) бірлестіктердің құзыретсіздігі және әрекетсіздігі туралы дене шынықтыру және спорт жөніндегі облыстық (Астана және Алматы қалалары) жергілікті атқарушы органдардың жартысының көбінен ұсынымдардың келіп түсуі.

4. Қорытынды ережелер

15. Бірлестікте куәліктің қолданылу кезеңінде қайта ұйымдастырылу жүргізілген кезде бірлестік, бір ай мерзімде уәкілетті органға енгізілген өзгерістерімен бірге құрылтай құжаттардың көшірмелерін және салық органына есепке қою туралы куәлікті (шынайылығын растау үшін түпнұсқа ұсынылған жағдайда) немесе олардың нотариалды расталған көшірмелерін ұсынады.

16. Бірлестік өзінің атауы немесе заңды мекенжайы өзгерген жағдайда, он бес жұмыс күні ішінде уәкілетті органға бұл туралы хабарлайды және осы Қағиданың 15-тармағында көрсетілген құжаттарды қоса беріп, куәлікті қайта ресімдеу туралы өтініш береді.

17. Куәлік жоғалған немесе бүлінген кезде уәкілетті орган өтініш қабылданған күннен бастап бес жұмыс күні ішінде өтініш негізінде бірлестікке куәліктің телнұсқасын береді.

18. Уәкілетті орган куәліктердің бланкілерін жасауды, оларды есепке алуды және сақтауды қамтамасыз етеді.

19. Бірлестікті аккредиттеу туралы не аккредиттеуден бас тарту туралы шешім Қазақстан Республикасының заңнамасында белгіленген тәртіппен шағымдалуы мүмкін.

Спорт түрлері бойынша республикалық қоғамдық бірлестіктерді аккредиттеу қағидасына қосымша

Нысан

Кімге _____

_____ (дене шынықтыру және спорт жөніндегі

_____ уәкілетті орган басшысының лауазымы,

тегі, аты, әкесінің аты (бар болса))
Кімнен _____

(республикалық қоғамдық бірлестік

басшысының немесе өкілінің тегі, аты,

әкесінің аты (бар болса))

(мекенжайы, телефоны, электрондық поштасы)

**Спорт түрлері бойынша республикалық қоғамдық бірлестікті
аккредиттеуді өткізуге және аккредиттеу туралы куәлік беруге
ӨТІНІШ**

Ескерту. Қосымша жаңа редакцияда - ҚР Үкіметінің 19.02.2014 N 118
қаулысымен (алғаш ресми жарияланғанынан кейін күнтізбелік он күн өткен соң
қолданысқа енгізіледі).

Сізден _____
(республикалық қоғамдық

бірлестіктің атауы)

аккредиттеу өткізуді және аккредиттеу туралы куәлік беруді сұраймын.

Өтінішке мынадай құжаттар қоса беріледі:

- 1) _____
- 2) _____
- 3) _____
- 4) _____
- 5) _____
- 6) _____
- 7) _____

М.О. _____
(қолы) (тегі, аты, әкесінің аты (бар болса))

20__ ж. «__» _____

Өтініштің түскен күні 20__ ж. «__» _____

Тіркеу нөмірі _____

(жауапты тұлғаның қолы, тегі, аты, әкесінің аты (бар болса))

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК